



Universitätsbibliothek Paderborn

Theologia Moralis

Reiffenstuel, Anaklet

Monachii, 1699

III. Quo tempore peccatum tum commissionis, tum omissionis, indirectè
seu in causa duntaxat voluntarium, contrahatur?

urn:nbn:de:hbz:466:1-40206

tutis; prout in singulis Præceptorum materijs passim solent explicare Theologi.

Q U Æ S T I O III.

Quo tempore Peccatum tum commissionis, tum omissionis, indirecte seu in causa duntaxat voluntarium, contrahatur?

17. **A**Dvertendum, per *Peccatum commissionis* intelligi illud, quod fit contra aliquod præceptum negativum, seu quidpiam fieri prohibens: ut est furtum, adulterium, homicidium, quæ pugnant contra illa præcepta Decalogi: *Non furum facies;* *Non machaberis;* *Non occides,* &c. *Peccatum omissionis* econtra est illud, quod fit contra præceptum affirmativum, seu quidpiam fieri præcipiens: ut est omisio Missæ die Festo audiendæ, & sic de alijs loquendo. Hoc prænotato,

18. Sensus hujus Quæstionis est, quo tempore incurritur *Peccatum commissionis*, vel *omissionis*, indirecte & in causa duntaxat voluntarium. Ut si quis ante ebrietatem benè prævideat, se in ebrietate commissurum homicidium, vel adulterium, & nihilominus scienter se inebriet usque ad privationem usū rationis, sicque committat homicidium, vel adulterium; Quæstio remanet, an talis peccet peccato homicidij, vel adulterij eo tempore, quo scienter dedit causam per ebrietatem tali peccato, vel potius tunc, quando in ebrietate actualiter committit homicidium, vel adulterium. Et ratio dubitandi est: quia tempore actualis homicidij, vel adulterij, ipse per ebrietatem privatus est usu rationis, uti supponitur; ergo non videtur pro eo tempore posse actualiter peccare.

19. Similiter, si quis scienter dedit alteri venenum, non nisi post aliquot hebdomas mortem allaturum; rursum queritur, an talis peccet peccato homicidij pro eo tempore, quo dedit *venenum*, vel potius pro tunc, quando actualiter sequitur homicidium, seu mors proximi. Et ratio dubitandi est: quia ille qui dedit venenum, potest jam de peccato suo esse contritus tempore actualis mortis subsecutæ, ac velle mortem proximi impedire, nec tamen amplius posse: atqui nemo videtur posse actualiter peccare in eo, quod vitare non potest.

20. In-

Peccatum commissionis, & omissionis, quid?

Sensus propositæ Quæstionis declaratur exemplis.

*Et de dor-
mienti, do-
nec sequa-
tur omis-
sio
Missæ ac
de Clerico,
proiiciente
Breviarium
in mare.*

*Resolutio
Questionis*

*Notabilis
declaratio-
Conclusio-
nis.*

20. Insuper, si aliquis manè voluntariè se inebriet, benè prævidens securam omissionem Sacri audiendi die Festo; vel tamdiu dormiat, aut tergiversetur domi, prævidendo periculum non audiendi Sacrum die Festo, donec tandem actualiter sequatur omissione Sacri; aut si Sacerdos navigatus voluntariè proiiciat Breviarium in mare, optimè prævidens, inde se redi importem ad recitandum Breviarium per multos dies, & hujusmodi. Quæritur, inquam, quo tempore tales peccent? an videlicet solum protinus, quando scienter dederunt causam tali omissioni, vel an insuper peccent adveniente illo tempore, quo currit præceptum audiendi Missam, aut recitandi Breviarium, non obstante, quod tunc talis amplius Missam audire, vel Breviarium recitare non possit? Et hoc idem de innumeris aliis casibus quæri potest.

21. CONCL. I. In his, & similibus casibus, Peccatum commissiōnis, aut etiam omissionis, indirectè vel in causa duntaxat voluntarium, contrahitur mox in ipsa appositione causæ, vel impedimenti, quæ fuit in libera hominis potestate; non autem amplius tempore subsequenti, quo sequitur v. g. mors alterius veneno causata, aut omissione Sacri, vel recitationis Breviarii, si tunc revera adfuit impotentia impediendi mortem alterius, vel Sacrum audiendi, &c. Ita Scotus 2. dist. 42. Mastrius lib. 2. Sent. disp. 6. n. 132. estq; communis sententia Doctorum, paucis exceptis. Ratio hujus Conclusionis desumitur in primis ex rationibus dubitandi proxime allatis. Accedit, quod tempore appositionis causæ mortis proximi per porrectum venenum, jam sit volutum homicidium saltem virtualiter, & in sua causa; & similiter tempore appositionis impedimenti audiendi Missam die Festo, vel recitandi Breviarium, omissione hujus etiam indirectè, ac in sua causa jam est voluta; ergo tunc contrahitur tale peccatum, sive commissiōnis, sive omissionis, non autem tempore subsequenti, si revera tunc adfuit impotentia actum prohibitum, actualis v. g. homicidij subsequentis, impediendi, vel actum præceptum Missæ audiendæ ponendi.

22. Dicitur notanter, si tunc revera adfuit impotentia impediendi mortem alterius, &c. Siquidem certum est apud omnes, atque indubitate, si tunc sit in libertate ac potestate hominis, adhuc impediare actum prohibitum, v. g. homicidium veneno porrecto causatum, nec tamen impedit, etiam tempore actualis mortis proximi subsecutæ committi, vel potius continuari & consummari

mari peccatum homicidij; cùm adsit libertas sufficiens, atque voluntarium, ad contrahendum peccatum etiam pro eo tempore. Et similiter, si tempore præcepti audiendi Missam adsit adhuc potestas & libertas ipsam audiendi, & tamen quis eam audire negligat, etiam tunc committitur peccatum omissionis exterræ: siquidem tunc prava voluntas omittendi actum præceptum, opere externo consummatur, ac perficitur. Cæterum data Conclusio loquitur in casu veræ impotentia, actum prohibitum ex postfacto impediendi, vel actum præceptum ponendi; & ait, tunc ejusmodi peccatum contrahi duntaxat in ipsa appositione causæ vel impedimenti, utpote quæ fuit in hominis potestate.

23. Nec obstat, quod quando quis posuit impedimentum audiendi v. g. Missam, nondum currebat præceptum Missæ audiendæ; ac proinde non videatur posse pro tunc tale peccatum omissionis Missæ contrahi. Resp. enim, quod licet tunc præceptum non obligaret ad ponendum actum auditionis Missæ, obligabat tamen ad non ponendum impedimentum exercendi tam actum pro tempore debito: hoc enim præcepto non solum præcipitur ipsa auditio Missæ, sed etiam, ne voluntariè & absque legitima ratione ponatur causa impeditiva illius: sicuti simili-
ter præceptum non occidendi hominem, nedum prohibet actuale homicidium, sed etiam, ne ponatur probabilis causa ipsius. Et per hoc patet adrationes dubitandi, ab initio Quæstionis propositas.

24. Dices Ut Actus prohibitus, vel omissionis actus præcepti, sit formaliter peccatum, sufficit voluntarium indirectum, aut in causa; ergo illud etiam tempore subsequenti contrahitur. Consequen-
tia probatur. Tum quia jam adest sufficiens voluntarium, vide, licet indirectum, aut in causa. Tum quia tunc completur, sive consummatur peccatum actualis v. g. omissionis Missæ, aut homicidij veneno causati. Tum tandem, quia alioquin non esset necesse, confiteri tales actus externos, aut omissiones ex priori data causa necessario subsecutas, & in se non liberas; quod videtur absurdum, & contra Decretum Alexandri VII. ejusque Propositionem 25. Resp. negando consequentiam. Ad ejus primam probationem dicitur, adesse quidem sufficiens voluntarium, ut peccatum formaliter contrahatur pro tempore appositionis causæ, sive impedimenti, utpote quæ fuit in libera hominis potestate: non autem pro tempore subsequenti, si tunc vera (uti supponit Conclusio) adfuit impotentia ponendi actum

B præ-

Solvitur
objectio.

præceptum, vel impediendi actum prohibitum. Ad alteram probationem claritatis gratiâ distinguitur assumptrum: complectur, sive consummatur tunc peccatum actualis v. g. omissionis Misericordie, vel homicidij veneno causati, duntaxat physicè, sive in genere entis, conceditur: complectur etiam moraliter, sive in genere moris, negatur; eò quod tunc omissione actus præcepti, vel evenus actus prohibiti, non amplius subsit libertati ac potestati hominis, sicque secundum se non sit capax malitiae moralis. Ad ultimam probationem respondet, in tali casu per se loquendo satis quidem esse, si in Confessione sufficientur explicetur ejusmodi libera positio causæ, sive impedimenti, utpote quæ sola supponitur fuisse in libertate, sive potestate hominis: per accidens tamen, sive quia alioquin non sufficienter explicaretur illa libera positio causæ, aut impedimenti, sive ob annexam Censuram, vel reservationem actus opere externo consummati, etiam quandoque requiri, ut explicetur ipsem actus externus. Porro Decretum Alexandri VII loquitur de peccato externo, quod tempore actualis commissionis suberat potestati ac libertati hominis, ut suo loco (a) dicetur.

(a) Tract. I. Dist. 2.

n. 30.

Poenæ, vel
inabilitates, quæ sive Jure Ecclesiastico, sive Civili, in perpetran-

tes pecca-

tum in cau-

sa duntaxat

voluntati-

em, quan-

do incur-

rantur?

25. CONCL. II. Nihilominus ad incurendas poenas, vel inhabilitates, quæ sive Jure Ecclesiastico, sive Civili, in perpetrantes certa crimina sunt statutæ, regulariter loquendo non sufficit sola appositiæ causæ talis criminis, sed requiritur, ut tale crimen opere externo consummetur. Ita Doctores communiter. Sic v. g. si quis alteri machinetur mortem veneno porrecto, quamvis mortaliter peccet, non tamen incurrit irregularitatem, si alterius mors actualis non subsequatur. Similiter qui conatur percutere Clericum, si ipsum, utpote aufugientem, non percusserit actualiter, non incurrit excommunicationem latam in persecutores Clericorum: & idem fit in alijs similibus. Ratio horum generalis est: quia leges poenales sunt strictè interpretandæ; similiisque earum verba debent intelligi cum effectu, arg. c. *Hec autem verba de poenit. distinct. I. juncta Glossa ibidem:* nam sola voluntas, seu conatus non solet per Leges humanas puniri sine effectu, nisi secùs in ipsam Lege exprimatur; prout exprimitur loquendo de crimine lex Majestatis, l. *Quisquis. C. Ad legem Julianæ Majestatis;* & notat communis Theologorum, & Canonistarum.

QUE-